

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**INFORMACIJA O KONCESIJAMA  
NA VODAMA  
ZA 2011. GODINU**

Zenica, maj 2012. godine

**SADRŽAJ:**

UVOD .....	2
1. DODIJELJENE KONCESIJE DO 2011. GODINE .....	3
1.1. Dodijeljene koncesije za korištenje vode za flaširanje .....	3
1.2. Dodijeljene koncesije za izgradnju malih hidroelektrana .....	4
2. DODJELA KONCESIJA NA VODAMA U 2011. GODINI .....	5
2.1. Dodijeljene koncesije .....	5
2.2. Postupci koji su u toku .....	6
3. KONCESIONA NAKNADA U 2011. GODINI .....	10
4. ZAKLJUČAK .....	12

## 5. UVOD

Programom rada Vlade Zeničko-dobojskog kantona za 2012. godinu u mjesecu maju planirano je razmatranje i usvajanje Informacije o koncesijama na vodama za 2011. godinu, na prijedlog Ministarstva za poljoprivredu, šumarstvo i vodoprivredu, a Programom rada Skupštine za 2012. godinu predmetna informacija planirana je za juli mjesec.

Oblast koncesija uređena je slijedećim zakonima:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06),
- Zakon o koncesijama Zeničko-dobojskog kantona („Službene novine Zeničko-dobojskog kantona“, broj: 05/03),
- Zakon o vodama („Službene novine Federacije BiH“, broj: 70/06), i
- Zakon o vodama („Službene novine Zeničko-dobojskog kantona“, broj: 17/07),

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
  - energetskih mineralnih sirovina (ugalj, sirova nafta, zemni gas i dr.),
  - metaličnih i nemetalnih mineralnih sirovina iz primarnih i sekundarnih ležišta,
  - svih vrsta soli i solnih voda,
  - ljekovitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/li korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdjevanje gradova i naselja,
11. snabdjevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

Od donošenja Zakona o koncesijama Zeničko-dobojskog kantona, Ministarstvo za poljoprivredu, šumarstvo i vodoprivredu je imalo vrlo dinamične i obimne aktivnosti vezane za dodjelu koncesija. Aktivnosti su vođene uglavnom po osnovu samoinicijativnih ponuda/ zahtjeva, a odnosili su se na dodjelu koncesija za eksploataciju mineralne/prirodne vode radi flaširanja i izgradnju hidroenergetskih objekata snage do 5 MW.

Imajući u vidu naprijed navedeno, Ministarstvo za poljoprivredu, šumarstvo i vodoprivredu je u izvještajnom periodu realizovalo niz aktivnosti vezanih za dodjelu koncesija, i pored činjenice da u unutrašnjoj sistematizaciji i organizaciji radnih mjesta ne postoji radno mjesto odnosno referat za izvršenje poslova po Zakonu o koncesijama, koje je neophodno radi obimnosti poslova iz resora ovog Ministarstva u oblasti koncesija. Ovo posebno iz razloga povećane tendencije podnošenja samoinicijativnih zahtjeva za dodjelom koncesija na vodama, osobito za izgradnju hidroenergetskih objekata.

U nastavku Informacije dat je pregled dodijeljenih koncesija do 2011. godine i u 2011. godini, te finansijskih tokova i programa aktivnosti u 2011. godini.

## 1. DODIJELJENE KONCESIJE DO 2011. GODINE

### 1.1. Dodijeljene koncesije za korištenje voda za flaširanje

Od donošenja Zakona o koncesijama do 2011. godine, dodjela koncesija na vodama i javnom vodnom dobru imala je izuzetno dinamičan tok. U tabeli 1. dat je pregled privrednih subjekata - koncesionara kojima je dodijeljena koncesija na vodama za eksploataciju radi flaširanja.

**TABELA 1.: Pregled dodijeljenih koncesija na vodama do 2011. godine  
- eksploatacija vode radi flaširanja**

R. br.	KONCESIONAR - SJEDIŠTE	LOKALITET /OPĆINA	PREDMET KONCESIJE	ODLUKA VLADE / UGOVOR	VRIJEME VAŽENJA KONCESIJE (GODINA)
1	2	3	4	5	6
1.	„CELVIK – KISELJAK“ d.o.o. Tešanj	Dolac / Tešanj	Crpljenje mineralne vode	Odluka Vlade 02-25-5005/03 od 11.03.2003. god. Ugovor: 06.06.2003.	30
2.	„Prirodni kiseljak Princess“ d.o.o. Tešanj	Oraš – Planje/ Tešanj	Crpljenje mineralne vode	Odluka Vlade 02-25-5004/03 od 11.03.2003. god. Ugovor potpisan: 02.06.2003.	30
3.	„TEŠANJSKA VRELA“ d.o.o. Tešanj	Cerik/ Tešanj	Crpljenje mineralne vode	Odluka Vlade 02-25-23244/03 27.10.2003. g. Ugovor potpisan: 08.03.2004.	30
4.	„ZEMA“ d.o.o. Tešanj	Raduša/ Tešanj	Crpljenje mineralne vode	Odluka Vlade 02-25-172/04 30.12.2003. g. Ugovor: potpisan 08.03.2004.	30
5.	„MISIR“ d.o.o. Olovo	Riđanik/ Olovo	Crpljenje prirodne vode	Odluka Vlade 02-25-15128/04 od 12.07.2004. g. Ugovor potpisan: 21.10.2004.	30
6.	„MAPEX“ d.o.o. Maglaj	Omerdino Polje/ Maglaj	Crpljenje prirodne i mineralne vode	Odluka Vlade 02-25-16495/04 od 05.03.2004. g. Ugovor potpisan: 28.10.2004.	30
7.	„IRIŠKIĆ“ d.o.o. Tešanj	Jezeracka rijeka/ Zenica	Crpljenje prirodne vode	Odluka Vlade 02-25-16492/04 od 05.08.2004. g. Ugovor potpisan: 19.11.2004.	30
8.	„NBI ČURIĆ“ d.o.o. Žepče	Kiseljak/ Žepče	Crpljenje mineralne vode	Odluka Vlade 02-25-16494/04 od 05.08.2004. g. Ugovor potpisan: 19.11.2004./raskinut 23.04.2012. godine	30
9.	„VIN-MIS“ d.o.o. Jelah, Tešanj	Lončari/ Tešanj	Crpljenje prirodne vode	Odluka Vlade 02-25-17310/05 01.06.2005.god. Ugovor potpisan: 30.06.2005.god.	30
10.	„AZ-EN PETROL“	Podjezera/ Zenica	Crpljenje prirodne vode	Odluka Vlade: 02-25-32628/08 od 14.10.2008. god. Ugovor o koncesiji potpisan 13.12.2011. god.	30

Za koncesionara „NBI Čurić“ d.o.o. Žepče rok za stavljanje u funkciju predmeta koncesije prolongiran je do 20.05.2011. godine, na njegov zahtjev, a radi provođenja postupka rješavanja imovinskih odnosa. Kako ni u navedenom roku Koncesionar nije izvršio ugovornu obavezu, predmetni Ugovor je raskinut.

Posebno treba istaći da su navedene koncesije dodijeljene na osnovu Odluka Vlade Zeničko-dobojskog kantona o pristupanju provođenja procedure dodjele koncesije, odnosno putem javnih poziva za prikupljanje ponuda, pri čemu su kriteriji za bodovanje bili: visina koncesione naknade

(izražena kao procenat od posebne vodne naknade za korištenje vode), visina ulaganja i zapošljavanje novih radnika.

U toku 2009. godine privrednom subjektu „RADUŠKO VRELO“ d.o.o. Tešanj dodijeljena je koncesija za istraživanje podzemnih mineralnih voda na lokalitetu Raduša, mikrolokacija Svinjci, općina Tešanj, po osnovu isključivog prava vlasništva nad zemljištem na kojem se nalazi potencijalno izvorište, a uz prethodno pribavljenu Odluku Općinskog Vijeća općine Tešanj o davanju saglasnosti na dodjelu predmetne koncesije i na osnovu izdate prethodne vodne saglasnosti za vršenje hidrogeoloških istraživanja za eksploataciju mineralne vode, tako da je na osnovu Odluke Vlade Kantona o dodjeli koncesije za istraživanje podzemnih voda, broj: 02-25-19679/09 od 30.07.2009. godine i mišljenja Kantonalnog pravobranilaštva, Ministarstvo za poljoprivredu, šumarstvo i vodoprivredu zaključilo Ugovor o koncesiji za istraživanje sa rokom istraživanja od 1 (jedne) godine dana od potpisivanja koncesionog ugovora. Rezultati istraživanja u izvještajnom periodu nisu dostavljeni.

### 1.2. Dodijeljene koncesije za izgradnju malih hidroelektrana (MHE)

Pregled dodijeljenih koncesija za izgradnju malih hidroelektrana (u daljem tekstu: MHE), u periodu od donošenja Zakona o koncesijama do 2011. godine, dat je u narednoj tabeli.

**TABELA 2. Pregled dodijeljenih koncesija za izgradnju MHE**

Naziv objekta	Vodotok	Općina	Instalirana snaga (kW)	Moguća godišnja proizvodnja (GWh)	Koncesionar	Odluka Vlade o dodjeli koncesije	Ugovor o koncesiji (broj/datum)	Koncesiona naknada (% od uk. prih. od prodaje el.energije)	Rok za početak probnog rada
MHE Botašnica ušće	Gostović	Zavidovići	997	4,999	„EBH“ d.o.o. Sarajevo	02-25-7670/06 od 29.03.2006. i 02-25-10967/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15351/10 od 24.05.2010.	05-25-10967-1/06 od 03.07.2006. (Ugovor o prenosu: 05-25-10967-5/06 od 03.06.2010.) 05-25-15351-1/10 od 03.06.2010.	3,1	03.06.2014.
MHE Rujevica-ušće	Gostović	Zavidovići	815	4,292	„EBH“ d.o.o. Sarajevo	02-25-7671/06 od 29.03.2006. i 02-25-10966/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15352/10 od 24.05.2010.	05-25-10966-1/06 od 03.07.2006. (Ugovor o prenosu: 05-25-10966-5/06 od 03.06.2010.) 05-25-15352-1/10 od 03.06.2010.	3,6	03.12.2014.
MHE Kamenica	Gostović	Zavidovići	845	4,185	„EBH“ d.o.o. Sarajevo	02-25-7668/06 od 29.03.2006. 02-25-25560/06 od 28.11.2006. 02-25-15354/10 od 24.05.2010. godine	02-25-25181/06 od 08.12.2006. Aneks ugovora br. 05-25-25181-1/096 od 09.12.2008. Aneks II ugovora br. 05-25-05-25-25181-3/06 od 03.06.2010.	2,4	08.12.2011.
MHE Čardak	Gostović	Zavidovići	1.459	7,821	„EBH“ d.o.o. Sarajevo	02-25-7669/06 od 29.03.2006. 02-25-25561/06 od 28.11.2006. 05-25-30491/11 od 01.12.2011.	02-25-26182/06 od 08.12.2006. Aneks ugovora br. 05-25-25182-1/096 od 09.12.2008. Aneks II ugovora br. 05-25-05-25-25182-3/06 od 03.06.2010. Aneks III ugovora br. 05-25-25182-5/06 od 07.12.2011. godine	3,1	08.12.2012.
MHE Bistričak	Bistričak	Zenica	810	4,035	„ADRIJA-PRODUKT“ d.o.o. Zenica	02-25-21507/06 od 11.10.2006. ; 02-25-17520/10 od 11.06.2010. ; 02-25-33979/10 od 30.12.2010.	05-25-24041/07 od 18.10.2007. godine; aneks ugovora br. 05-25-24041-1/06 od 09.07.2010. aneks II ugovora br. 05-25-24041-4/06 od 18.01.2011.	1,1	19.04.2011.
MHE Čajdraš	magistralni cjevovod zeničkog vodovoda	Zenica	485	3,633	JP „Vodovod i kanalizacija“ d.o.o. Zenica	02-25-19680/09 od 30.07.2009.	05-25-2583-7/09 od 06.09.2010.	2,0	06.07.2012.

Iz tabelarnog pregleda je vidljivo da je rok od dvije godine za projektovanje, određen za pribavljanje saglasnosti i odobrenja za građenje, izgradnju i puštanje u probni rad objekata malih hidroelektrana, prolongiran, iz razloga što je ostavljeni rok bio nedovoljan da koncesionari pribave sve potrebne saglasnosti i odobrenja za građenje.

MHE Bistričak je u izgrađena, dok je izgradnja MHE Čajdraš u toku. Ostale male hidroelektrane nisu još izgrađene.

Za MHE „Čardak“ izdato je rješenje o odobrenju građenja 25.08.2011. godine od strane Ministarstva za prostorno uređenje, promet i komunikacije i zaštitu okoline i Koncesionar je prijavio početak radova 07.12.2011. godine, s tim da je planiran završetak decembar 2012. godine.

Za MHE „Botašnica-ušće“ i „Rujevica-ušće“ Odlukom Vlade ostavljen je rok do 03.12.2014. godine za izgradnju i stavljanje u probni rad ovih objekata.

Koncesionar „EBH“ d.o.o. Sarajevo podnio je ovom Ministarstvu zahtjev za ponovno produženje roka za izgradnju i početak komercijalnog pogona MHE „Kamenica“, ali je zatraženo dodatno onrazložjenje iz kojeg razloga nije ispoštovan ostavljeni rok do 08.12.2011. godine, tako da je postupak rješavanja zahtjeva u toku.

Ovdje posebno napominjemo da je Općinsko Vijeće općine Zavidovići donijelo Zaključak broj: 01-25-1485/10 od 27.03.2010. godine, kojim je utvrđeno da Općinsko Vijeće ne dozvoljava izgradnju hidroenergetskih postrojenja na području općine Zavidovići, bez prethodne saglasnosti Općinskog Vijeća Zavidovića, te se traži od nadležnih institucija da obustave aktivnosti na izdavanju saglasnosti i dozvola za izgradnju mini hidrocentrala „Rujevica-ušće“, „Botašnica-ušće“ i „Čardak“ do obezbjeđenja saglasnosti Općinskog vijeća Zavidovići. Ovdje treba napomenuti da su navedene koncesije dodijeljene u vrijeme kada obaveza pribavljanja saglasnosti lokalne zajednice na čijem području se nalazi predmet koncesije, nije bila zakonski propisana (Zakon o izmjenama i dopunama Zakona o koncesijama, kojim je propisana ova obaveza stupio je na snagu 17.10.2006. godine i od tada se i primjenjuje).

Općinsko Vijeće općine Zavidovići je takođe u okviru razmatranja informacije o početku gradnje mini hidrocentrala na rijeci Gostović donijelo Zaključak broj: 01-25-506/12 od 16.02.2012. godine, u kojem je u tački 2. navedeno: „Općinsko Vijeće Zavidovići traži od Ministarstva za prostorno uređenje, promet i komunikacije i zaštitu okoline i Ministarstva za poljoprivredu, šumarstvo i vodoprivredu, da odmah zaustave radove oko izgradnje mini hidrocentrala na rijeci Gostović, MHE Čardak, MHE Rujevica i MHE Botašnica-ušće, iz razloga što lokalna zajednica smatra da će izgradnja mini hidrocentrala ugroziti vodosnabdijevanje kao i onemogućiti iskorištavanje turističkog potencijala Spomenika prirode Tajan“, a u tački 3. slijedeće: „Zadužuje se Općinski načelnik sa nadležnim službama i Općinskim pravobranilaštvom da iznađe mogućnost pravne zaštite interesa Lokalne zajednice izražen u tački 2. ovog zaključka“.

## **2. DODJELA KONCESIJA NA VODAMA U 2011. GODINI**

### **2.1. Dodijeljene koncesije**

U toku 2011. godine nije bilo dodjele koncesija na vodama, ali su vođene obimne aktivnosti na rješavanju određenog broja samoinicijativnih zahtjeva za dodjelu koncesija, podnesenih od strane navedenih privrednih društava, o čemu se u nastavku daje detaljna informacija po svakom pojedinom predmetu.

## 2.2. Postupci koji su u toku

### **„EUROSAM“ d.o.o. Visoko, „POLO“ d.o.o. Visoko i „VS-TREND“ d.o.o. Cazin za izgradnju MHE na rijeci Stavnji**

Privredni subjekt „EUROSAM“ d.o.o. Visoko podnio je zahtjev - samoinicijativnu ponudu za dodjelu koncesija za izgradnju male hidroelektrane MHE „Vareš“ snage 1.100 kW na rijeci Stavnji, općina Vareš.

Privredni subjekt „POLO“ d.o.o. Visoko podnio je zahtjev - samoinicijativnu ponudu za dodjelu koncesije za projektovanje, izgradnju i korištenje male hidroelektrane „Hodžići“ snage 500 kW na rijeci Stavnji, općina Vareš.

Privredni subjekt „VS-TREND“ d.o.o. Cazin podnio je zahtjev - samoinicijativnu ponudu za dodjelu koncesija za projektovanje, izgradnju i korištenje male hidroelektrane „Kula“ snage 600 kW na rijeci Stavnji, općina Vareš.

U postupku koji prethodi pokretanju provođenja postupka dodjele koncesije, Ministarstvo je putem Komisije za koncesije, provelo proceduru propisanu Zakonom o koncesijama i na osnovu Odluke Vlade Kantona provelo postupak javnog prikupljanja ponuda. Međutim, kako nijedan od ponuđača nije ispunio kvalifikacione uslove iz tenderske dokumentacije, postupak je Odlukom Vlade poništen i izvršene su pripreme za ponovno raspisivanje javnog oglasa.

**„PRIMA KOMERC“ i „ELES“ d.o.o. Zenica** za dodjelu koncesije za izgradnju male hidrocentrale „Bistrica“ na rijeci Bistrici. Nakon što je pribavljeno stručno mišljenje općinske Službe za urbanizam i Ministarstva za prostorno uređenje, promet i komunikacije i zaštitu okoline, dostavljen je zahtjev za davanje saglasnosti Općinskog Vijeća općine Zenica. U slučaju pozitivne saglasnosti Općinskog Vijeća, slijedi postupak izdavanja prethodne vodne saglasnosti, utvrđivanje javnog interesa, te predlaganje Vladi Kantona donošenje Odluke o pokretanju postupka dodjele koncesije.

**„HARA“ d.o.o. Visoko** za dodjelu koncesije za izgradnju male hidrocentrale „Orlja“ na rijeci Orlji. Nakon što je pribavljeno stručno mišljenje općine Olovo sa aspekta prostoro-planske dokumentacije, zatraženo je mišljenje Ministarstva za prostorno uređenje, promet i komunikacije i zaštitu okoline. U daljem postupku uslijediti će pribavljanje saglasnosti Općinskog Vijeća općine Olovo.

**„ENERGONOVA“ d.o.o. Sarajevo** za dodjelu koncesije za izgradnju malih hidrocentrala „Čude“ i „Petrovići“ na rijeci Stupčanici. Zatraženo je stručno mišljenje općine Olovo sa aspekta prostoro-planske dokumentacije.

**JZU „AQUATERM“ Banjsko-rekreativni centar Olovo** za dodjelu koncesije za eksploataciju termo-mineralne vode u Olovu. Pribavljena saglasnost Općinskog Vijeća općine Olovo, tačnije dodatno je dostavljena izmjena saglasnosti na dodjelu koncesije, broj: 01-25-748/11 od 07.03.2011. godine. Zatim je u toku 2011. godine vođen postupak i izdata prethodna vodna saglasnost u skladu sa Zakonom o vodama, koja je uslov za dalje vođenje postupka dodjele koncesije. Komisija za koncesije, imenovana od strane Ministarstva za poljoprivredu, šumarstvo i vodoprivredu, je utvrdila postojanje javnog interesa za dodjelu predmetne koncesije.

S obzirom da je podnosilac zahtjeva postojeći korisnik Javna zdravstvena ustanova „Aquaterm“ Banjsko-rekreativni centar Olovo, koji je upisan sa trajnim pravom korištenja zemljišta na kojem se nalaze bušotine SB-1 i SB-2, locirane na parcelama k.č. 812/2 i 812/3 K.O. Olovo i da je izgrađen dovodni cjevovod do objekta JZU BRC „AQUATERM“ Olovo sa pratećom opremom, te da je dugi niz godina korisnik termo-mineralne vode, na osnovu čega je Komisija zauzela stav

da se u konkretnom slučaju može provesti pregovarački postupak u skladu sa članom 28. Zakona o koncesijama („Službene novine Federacije BiH”, broj: 40/02). Međutim, kako kantonalni Zakon o koncesijama nije ostavio ovu mogućnost, zatraženo je mišljenje od Kantonalnog pravobranilaštva da li se u konkretnom slučaju može primijeniti postupak dodjele predmetne koncesije bez provođenja postupka javnog prikupljanja ponuda, odnosno da li se može primijeniti član 28. federalnog Zakona o koncesijama.

#### **„Eling-inžinjeri“ d.o.o. Teslić**

Privredni subjekt „Eling-inžinjeri“ d.o.o. Teslić, podnio je zahtjev - samoinicijativnu ponudu za dodjelu koncesije za izgradnju male hidroelektrane MHE „Podjezera“ snage 400 kW na Jezeračkoj i Stupničkoj rijeci, općina Zenica.

Na osnovu člana 8. Zakona o koncesijama Zeničko-dobojskog kantona („Službene novine Zeničko-dobojskog kantona”, broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije. Komisija je utvrdila da u konkretnom slučaju postoji javni interes, a sa aspekta prostorno-planske dokumentacije nema smetnji za izgradnju ove male hidroelektrane, jer se lokacija nalazi izvan urbanog područja, u skladu sa pribavljenim Stručnim mišljenjem Službe za prostorno uređenje Općine Zenica broj: 06/23-25-793-1/10 od 09.03.2010. godine i Stručnim mišljenjem Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 05-25-793-2/10 od 23.12.2011. godine. Nakon pribavljanja saglasnosti Općinskog Vijeća općine Zenica, slijedi raspisivanje javnog poziva za dodjelu koncesije za izgradnju MHE „Podjezera“.

#### **JP „Vodovod i kanalizacija“ d.o.o. Zenica**

JP „ViK“ d.o.o. Zenica podnio je zahtjev broj: 05-25-4368/10 od 24.08.2010. godine, (samoinicijativnu ponudu za dodjelu koncesija) za korištenje pitke vode iz magistralnog vodovoda DN 500 vodozahvata „Kasapovići“ – rezervoar „Crkvice“ za izgradnju male hidroelektrane: „KAMENOLOM“ snage 95 kW, općina Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje Općine Zenica broj:02-23-634/11 od 04.07.2011. godine, a nakon toga uputilo Ministarstvu za prostorno uređenje, promet i komunikacije i zaštitu okoline Zeničko-dobojskog kantona Zahtjev za stručno mišljenje broj: 05-25-4368-5/11 od 05.08.2011. godine.

#### **Konzorcij „ADRIA ENERGY“ d.o.o. Zenica**

Konzorcij „ADRIA ENERGY“ d.o.o. Zenica, podnio je zahtjev 18.01.2011. godine, odnosno samoinicijativnu ponudu za dodjelu koncesije za malu hidroelektrane „Ograina“ snage 500 kW na rijeci Ograini, općina Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica, broj:06-23-10587/11 od 27.06.2011. godine, a nakon toga uputilo Ministarstvu za prostorno uređenje, promet i komunikacije i zaštitu okoline Zeničko-dobojskog kantona Zahtjev za stručno mišljenje broj: 05-25-143-4/11 od 03.08.2011. godine.



### **„HIGRACON“ d.o.o. Sarajevo**

Privredni subjekt „HIGRACON“ d.o.o. Sarajevo podnio je samoinicijativnu ponudu broj: 021-01-03/11 od 21.03.2011. godine, za dodjelu koncesija za male hidroelektrane „Tribija“ snage 840 kW i „Ušće“ snage 405 kW na rijeci Tribiji, općina Vareš.

Na osnovu člana 8. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Vareš, broj:02-181/11 od 19.04.2011. godine, a nakon toga stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-2058/11 od 05.07.2011. godine, a nakon toga zbog ukazane potrebe zatraženo je dopunsko stručno mišljenje od Općine Vareš, koje je dostavljeno pod brojem: 02-181/11 od 19.04.2011. godine. Ministarstvo je nakon toga zatražilo saglasnost od Općinskog Vijeća općine Vareš.

### **„EMY“ d.o.o. Zenica**

Privredni subjekt „EMY“ d.o.o. Zenica podnio je zahtjev od 30.06.2011. godine, za zasnivanje ugovora o koncesiji za malu hidroelektranu „Pepelari“ snage 448 kW na Pepelarskoj rijeci, na području općina Zenica i Žepče.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica broj:02-49-21656/11 od 23.11.2011. godine i stručno mišljenje općine Žepče broj:03-23-4-1862/11 od 28.09.2011. godine, a nakon toga stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona.

### **„ESKIMO S2“ d.o.o. Travnik**

Privredni subjekt „ESKIMO S2“ d.o.o. Travnik, podnio je zahtjev broj: 07-11 od 06.07.2011. godine, (samoinicijativnu ponudu za projektovanje, izgradnju i korištenje) male hidroelektrane „Zagrađska Gradina“ snage 120 kW na rijeci Zgošći, na području općina Kakanj.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Kakanj, broj: 0-02/1-3313/11 od 11.08.2011. godine, a nakon toga Zahtjevom broj:05-25-3430-2/11 od 09.11.2011. godine, zatražilo stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona.

### **„GTUD DELA“ d.o.o. Kakanj**

Privredni subjekt „GTUD DELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „ŽUĆA-RIJEKA“ snage 502 kW na rijeci Žući, na području općina Kakanj.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Kakanj, broj: 0-02/1-4283/11 od 17.10.2011. godine i stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, a nakon toga Ministarstvo je zatražilo saglasnost od Općinskog Vijeća općine Kakanj.

### **„GTUD DELA“ d.o.o. Kakanj**

Privredni subjekt „GTUD DELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „UŠĆE“ snage 185 kW na Maloj rijeci, na području općina Kakanj.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Kakanj broj: 0-02/1-3948/11 od 28.09.2011. godine i stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, a nakon toga Ministarstvo je zatražilo saglasnost od Općinskog Vijeća općine Kakanj.

### **„GTUD DELA“ d.o.o. Kakanj**

Privredni subjekt „GTUD DELA“ d.o.o. Kakanj, podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „MARUŠIĆI“ snage 341 kW na Marušićkoj rijeci, na području općina Kakanj.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Kakanj, broj: 0-02/1-3947/11 od 28.09.2011. godine i stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, a nakon toga Ministarstvo je zatražilo saglasnost od Općinskog Vijeća općine Kakanj.

### **„ESKIMO S2“ d.o.o. Travnik**

Privredni subjekt „ESKIMO S2“ d.o.o. Travnik, podnio je zahtjev od 27.09.2011. godine, (samoinicijativnu ponudu) za projektovanje, izgradnju i korištenje male hidroelektrane „Šerići“ snage 238 kW na Šerića rijeci, na području općine Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica broj: 06-23-5228/11 od 22.11.2011. godine, a nakon toga Zahtjevom broj:05-25-5228-2/11 od 09.12.2011. godine, zatražilo stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog, koje još nije dostavljeno.

### **„EKO-ENERGY“ d.o.o. Tešanj**

Privredni subjekt „EKO-ENERGY“ d.o.o. Tešanj, podnio je Zahtjev broj 02/11 od 10.10.2011. godine, (samoinicijativnu ponudu) za projektovanje, izgradnju i korištenje malih hidroelektrana „ŽELJEZNICA 1 i 2“ snage 158 + 130 kW na rijeci Željeznici, MZ Jastrebac i Ravne na području općine Žepče.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Žepče, broj: 03-23-4-2141/11 od 16.11.2011. godine i stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, a nakon toga Ministarstvo je zatražilo saglasnost od Općinskog Vijeća općine Žepče.

### **„BERLIJETA“ d.o.o. Visoko**

Privredni subjekt „BERLIJETA“ d.o.o. Visoko, podnio je Zahtjev broj 029/11 od 29.12.2011. godine, za dobijanje koncesije na osnovu samoinicijativne ponude za projektovanje, izgradnju i korištenje male hidroelektrane „Podtušnjici 1“ snage 1,5 MW na rijeci Fojnici, lokalitet Podtušnjici, općina Visoko.

U postupku koji prethodi pokretanju provođenja postupka dodjele koncesije, ovo Ministarstvo zatražilo je stručno mišljenje općine Visoko.

### 3. KONCESIONA NAKNADA U 2011. GODINI

Na osnovu potpisanih ugovora o koncesiji za eksploataciju vode, koncesionari su preuzeli obavezu plaćanja koncesione naknade. Visina koncesione naknade utvrđena je kao procenat od iznosa posebne vodne naknade za korištenje voda za ovu namjenu, i to u svakom slučaju putem javnog prikupljanja ponuda.

U skladu sa koncesionim ugovorima, naknada za korištenje koncesije plaća se u četiri jednake rate tokom godine, sa dospijecom svake pojedine rate posljednjeg dana svakog tromjesečja. Osnovica za plaćanje naknade je registrovana zahvaćena količina vode, a ne može biti manja od utvrđene minimalne količine iz ugovora (minimalna izdašnost izvorišta), koja je data na koncesiju.

Pregled eksploatisanih količina i finansijskih obaveza koncesonara dat je u Tabeli 3, sa iskazanim stanjem potraživanja i dugovanja zaključno sa 31.12.2011. godine.

**TABELA 3: Pregled eksploatacionih količina mineralne i prirodne vode i uplata koncesione naknade u 2011. godini**

Koncesionar	Iznos koncesione naknade po ugovoru (KM/m <sup>3</sup> )	Minimalna količina po ugovoru (m <sup>3</sup> /god)	Ukupni godišnji iznos koncesione naknade (KM)	Ukupna obaveza od zaključenja ugovora do 31.12.2011. godine	Uplaćeno do 2011. godine (KM)	Uplaćeno u 2011. godini (KM)	Ukupno uplate do 31.12.2011. (KM)	Zbirni dug sa 31.12.2011.
1	2	3	4=2x3	5	6	7	8	9=5-8
„CELVIK – KISELJAK“ d.o.o. Tešanj	2,00	5.018,00	10.036,00	40.792,16	2.000,00	5.323,70	7.323,70	-33.468,46
„Prirodni kiseljak Princess“ d.o.o. Tšanj	1,60	7.488,00	11.980,80	49.469,36	42.151,98	11.808,00	53.959,98	+4.490,62
„MAPEX“ d.o.o. Maglaj	0,77	5.766,80	6.920,16	28.092,14	2.000,00	0,00	2.000,00	-26.092,14
„IRIŠKIĆ“ d.o.o. Tešanj	1,20	14.976,00	17.971,20	72.371,52	22.337,15	11.000,00	33.337,15	-39.034,37
„ZEMA“ d.o.o. Tešanj	2,00	14.976,00	29.952,00	122.304,00	84.518,40	30.067,20	114.585,60	-7.718,40
„TEŠANJSKA VRELA“ d.o.o. Tešanj	2,00	3.744,00	7.488,00	30.326,40	8.167,52	0,00	8.167,52	-22.158,88
„VIN-MIS“ d.o.o. Jelah, Tešanj	1,20	5.990,40	7.188,48	6.000,00	3.150,00	9.150,00	9.150,00	-19.783,63
„MISIR“ d.o.o. Olovo	1,20	2.246,40	2.695,68	10.861,34	5.469,98*	0,00	5.469,98*	-5.391,36
<b>UKUPNO:</b>	-	-	94.232,32	360.221,92	167.175,05	61.348,90	228.523,95	149.156,62

Iz navedenog tabelarnog pregleda vidljiv je iznos ukupnog godišnjeg zaduženja koncesionara po osnovu koncesione naknade za korištenje vode, pregled uplata do 2011. godine i uplata u 2011. godini i ukupan dug sa 31.12.2011. godine, koji iznosi: 149.156,62 KM, prema podacima Ministarstva finansija o izvršenim uplatama u izvještajnom periodu.

U 2011. godini je po osnovu koncesionih naknada uplaćeno ukupno: 61.348,90 KM, što je manje u odnosu na 2010. godinu, u toku koje je ukupno uplaćeno 116.055,46 KM, ali znatno više u odnosu na 2009. godinu u kojoj je uplaćeno svega 26.202,72 KM.

Iz navedenog je vidljivo da postoje određena dugovanja, za koja su putem Kantonalnog pravobranilaštva pokrenuti sudskih postupaka na naplatu dugovanja, koje je pokrenulo

Ministarstvo finansija još u 2010. godini, budući da nadzor nad ispunjenjem obaveza plaćanja naknade za koncesiju vrši Ministarstvo finansija Kantona, u skladu sa članom 23. Zakona o koncesijama („Službene novine Zeničko-dobojskog kantona“, broj: 5/03).

Izvještaj o izvršenim uplatama koncesionih naknada Ministarstvo finansija redovno dostavlja Ministarstvu za poljoprivredu, šumarstvo i vodoprivredu.

Ovdje treba napomenuti da su koncesionari pokrenuli inicijativu, odnosno zahtjev da se koncesiona naknada utvrdi neovisno od posebne vodne naknade, te da se aneksima na ugovore utvrdi visina koncesione naknade, sa prijedlogom da ta naknada bude 8 puta manja od sadašnje, a da se postojeća dugovanja riješe sporazumno u periodu od 2-3 godine. Rješavanje navedenog zahtjeva je u toku, tako što će radni tim sastavljen od predstavnika Ministarstva za poljoprivredu, šumarstvo i vodoprivredu, Sekretarijata za zakonodavstvo i Kantonalnog pravobranilaštva razmotriti zahtjev i imajući u vidu federalna Pravila o visini koncesione naknade, dati odgovarajući prijedlog.

Od ukupno uplaćenih sredstava u 2011. godini 70% ili 42.944,23 KM je alocirano općinama na čijem području se nalazi predmet koncesije, tačnije općini Tešanj iznos od 35.244,23 KM i općini Zenica 7.700,00 KM, u skladu sa važećom Odlukom Vlade Kantona o načinu rasporeda i korištenja sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 17/09). U skladu sa odredbama citirane Odluke, općine Tešanj i Zenica dostavile su izvještaje o utrošku prebačenih sredstava. Iz navedenih izvještaja vidljiva je namjena za koju su utrošena prebačena sredstva, i to:

**Općina Tešanj:** Prema izvještaju općine Tešanj broj: 04-14-7-1178/12 od 16.04.2012. godine, sredstva naknade od koncesija za 2011. godinu, općina Tešanj je prenijela u Budžet za 2011. godinu, a u skladu sa Odlukom o usvajanju Liste kapitalnih projekata iz sredstava budžeta općine Tešanj za 2011. godinu („Službeni glasnik općine Tešanj“, broj: 3/11), projekti iz tačke D) Utrošak sredstava od koncesija i Izvještaja o realizaciji kapitalnih projekata za 2011. godinu, sredstva su utrošena na slijedeći način:

R.b.	Naziv MZ	NAZIV PROJEKTA	Planirano	Realizirano	NAPOMENA
1	Raduša	Asfaltiranje dijela Crvenog puta u Gornjoj Raduši	20.000,00	24.994,00	Ugovoreno, realizacija slijedi nakon što mještani polože cijevi, sredstva rezervisana
2	Orašje Planje	Put Ćorići-Dolac-Ćorići	15.000,00	15.000,00	Realizovano 6.618,60, a razlika od 8.381,40 na osnovu Odluke o izvršenju Budžeta za 2011. g. Preusmjerena na ime dugovanja iz ranijeg perioda firmi „Dobojputevi“ d.d. Dobioj-Jug
3	Miljanovci-Lončari	Sanacija puta u Lončarima	15.000,00	0,00	Na osnovu Odluke o usvajanju liste kapitalnih projekata za 2012. godinu od koncesija koje nisu utrošene u 2011. g. I dodano još 6.000 KM za tekuću godinu („Sl.glasnik Općine Tešanj“, br. 2/12)
4	Karadaglije	Dugovanja za izgradnju puteva iz ranijeg perioda	10.000,00	10.000,00	Realizovano
5	Mrkotić	Sanacija puta Žiže-Kukoljevac	10.000,00	10.000,00	Realizovano
<b>UKUPNO:</b>			<b>70.000,00</b>	<b>59.994,00</b>	

**Općina Zenica:** Prema izvještaju Načelnika općine Zenica broj: 02-23-6927/12 od 25.04.2012. godine, sredstva u iznosu od 7.700,00 KM, uplaćena po osnovu koncesionog ugovora za crpljenje mineralne vode na lokalitetu Jezeračka rijeka, zaključenog sa „IRIŠKIĆ d.o.o. Tešanj, utrošena su za plaćanje izvođenja radova na izgradnji rezervoara za vodu V=60 m<sup>3</sup> za potrebe naselja Hece u sklopu rekonstrukcije vodovoda Tuganja za naselje Hece u MZ Donja Vraca. U prilogu izvještaja dostavljeni su kopije fakture, ugovora, zapisnika).

#### **4. ZAKLJUČAK**

Sagledavajući sve činjenice iz naprijed elaboriranih i analiziranih podataka, može se zaključiti da je evidentan porast interesa investitora za izgradnju malih hidroelektrana putem podnošenja samoinicijativnih ponuda za dodjelu koncesija za iskorištenje vodnih snaga za izgradnju ovih objekata, te u nešto manjoj mjeri podnošenja zahtjeva za korištenje voda u svrhu flaširanja.

U toku 2011. godine u proceduri se nalazilo 17 podnesaka privrednih subjekata koji su tražili koncesiju na vodama za navedene namjene. S obzirom na obavezu utvrđivanja postojanja javnog interesa, kao i ostalih prethodnih saglasnosti, rješavanje navedenih podnesaka je u toku. Takođe se može konstatovati da je potreban relativno dug period za ishodovanje svih potrebnih saglasnosti i dozvola za izgradnju objekata malih hidroelektrana, a posebno je zahtjevan postupak rješavanja imovinsko-pravnih odnosa, tako da je period od dvije godine nedovoljan za navedene aktivnosti.

Prema broju podnesenih samoinicijativnih ponuda, vidljiv je porast interesa za dodjelu koncesija za izgradnju malih hidroelektrana iz nadležnosti kantona. Isto tako vidljivo je da su svi aktuelni postupci za dodjelu koncesija ustvari samoinicijativne ponude, čije rješavanje je uveliko otežano, posebno iz razloga što se veliki broj istih odnosi na korištenje prirodnih resursa čije korištenje nije predviđeno u planskim aktima Kantona niti općina, te iz razloga što općinska vijeća ne daju blagovremeno ili uopšte ne daju svoju saglasnost na provođenje postupka dodjele koncesije, posebno općine Zavidovići i Olovo.

Nadalje, s obzirom da je u izvještajnom periodu pokrenuto donošenje novog Zakona o koncesijama na federalnom nivou, Ministarstvo za poljoprivredu, šumarstvo i vodoprivredu je dalo svoj aktivan doprinos, odnosno dalo određene primjedbe na Nacrt federalnog Zakona o koncesijama, od kojih su najvažnije primjedbe vezane za predloženu raspodjelu koncesione naknade, te potrebu zakonskog utvrđivanja podjele nadležnosti za dodjelu koncesija između Federacije i kantona. Takođe smatramo da je vrlo značajno urediti politiku utvrđivanja koncesione naknade jedinstveno na federalnom nivou.

U 2011. godini je po osnovu koncesionih naknada uplaćeno ukupno: 61.348,90 KM, što je manje u odnosu na 2010. godinu, u toku koje je ukupno uplaćeno 116.055,46 KM, ali u 2010. godini je bilo određenih uplata po osnovu dugovanja iz prethodnog perioda, budući da je u 2009. godini uplaćeno svega 26.202,72 KM.

Od ukupno uplaćenih sredstava, 70% ili 42.944,23 KM je alocirano općinama na čijem području se nalazi predmet koncesije, tačnije općini Tešanj iznos od 35.244,23 KM i općini Zenica 7.700,00 KM, u skladu sa važećom Odlukom Vlade Kantona o načinu rasporeda i korištenja sredstava prikupljenih po osnovu kontinuirane naknade od koncesija („Službene novine Zeničko-dobojskog kantona“, broj: 17/09).

**Obrađivač**

**Senada Dizdar**

**MINISTAR**

**Samir Selimović**

Na osnovu člana 16. stav 4. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 67. sjednici, održanoj 20.06.2012. godine,  
d o n o s i

## ZAKLJUČAK

### I.

Prihvata se Informacija o koncesijama na vodama za 2011. godinu, koju je izradilo Ministarstvo za poljoprivredu, šumarstvo i vodoprivredu Zeničko-dobojskog kantona.

### II.

Informacija iz tačke I. ovog zaključka upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_ /12.

Datum, 20.06.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.